

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
KLUB ZASTUPNIKA SDP BiH
ZASTUPNIK SENAID BEGIĆ

(PRIJEDLOG)

ZAKON
O DOPUNI KRIVIČNOG ZAKONA FEDERACIJE BOSNE I
HERCEGOVINE

Sarajevo, maj 2019.godine

ZAKON
O DOPUNI KRIVIČNOG ZAKONA FEDERACIJE BOSNE I HERCEGOVINE

Član 1.

U Krivičnom Zakonu Federacije Bosne i Hercegovine ("Službene novine Federacije BiH", br. 36/03, 36/03, 21/04, 69/04, 18/05, 42/10, 42/11, 59/14, 76/14, 46/16, 75/17) iza člana 358. dodaje se novi član koji glasi:

„Član 358a.

(1) Ko silom ili prijetnjom da će izravno upotrijebiti silu spriječi novinara u vršenju službene radnje koju je poduzeo u okviru svoje ovlasti ili ga na isti način prisili na obavljanje službene radnje, kazniti će se kaznom zatvora u trajanju od tri (3) mjeseca do tri (3) godine.

(2) Ako je krivičnim djelom iz stava 1. ovog člana novinar zlostavljan, tjelesno ozlijeđen ili je krivično djelo iz stava 1. ovog člana učinjeno prijetnjom ili upotrebom oružja, kazniti će se kaznom zatvora u trajanju od šest (6) mjeseci do pet (5) godina.“

Član 2.

Zakon stupa na snagu osmog dana od dana objavljivanja u Službenim novinama FBiH.

**OBRAZLOŽENJE
ZAKONA O DOPUNI KRIVIČNOG ZAKONA FEDERACIJE BOSNE I
HERCEGOVINE.**

I USTAVNI OSNOV

Ustavni osnov za donošenje ovog zakona sadržan je u dijelu Ustava, Poglavlju III A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

II RAZLOZI ZA DONOŠENJE

U posljednje vrijeme smo svjedoci učestalih napada na novinare, ometanju u obavljanju njihovih djelatnosti i onemogućavanju dolaska do informacija u cilju informisanja javnosti u FBiH.

Vijeće za štampu je inicijator prijedloga dopune Krivičnog zakona koji za cilj ima da se napadi na novinare tretiraju kao napad na službenu osobu.

Na ovaj način bismo povećali zaštitu novinara, i medijskih sloboda.

III. OBRAZLOŽENJE PRAVNIH RJEŠENJA

Ovim zakonom se uvodi novi član u Krivični zakon FBiH kojim se napad na novinara tretira slično kao napad na službenu osobu, te su propisane kazne zatvora za to krivično djelo.

IV. FINANSIJSKA SREDSTVA

Za provođenje ovog Zakona nisu potrebna dodatna finansijska sredstva iz Budžeta Federacije Bosne i Hercegovine.